

محمد عبد الرحمن حجازي

مصر / د. بالقانون

ما بين السطر والمسطور

حُدود البوح بتتملى

فلغز الروح ... ومستورنا

ومقدورنا بلا علة

وتترجى على لساني

زمان تاني ميشبهش

زمان المغرمين بالصمت

ويا بكرة...

أنا وَشَمَك على وقتك

ونقشك فوق جدر السنت

وحلَّفَتَكَ

بخط النسخ والرقعة
وروح اقرأ وبالواقعة
تحاجي علينا بين إيدك
ويا بكرة إذا جيتك
بتوب ياسي متكرنيش
دنا اللي ف حلمي خبيتك
وعديتك من التهميش
متركنيش بلا داعي
أدور جوه أوجاعي
على لحظة ما بتصديش
وصبرني على وقتي
وع الخلق اللي بتوطي
وتدفن صوتها ف سكوتها
وتتجج بأكل العيش